

Gregorian se sastao sa njemačkim državnim ministrom Erlerom



Vršilac dužnosti visokog predstavnika Raffi Gregorian se danas sastao s državnim ministrom Ministarstva vanjskih poslova Njemačke Gernotom Erlerom. Tokom sastanka vršilac dužnosti visokog predstavnika je informirao ministra Erlera o trenutnoj političkoj situaciji u Bosni i Hercegovini i ispunjavanju uslova koje je Vijeće za implementaciju mira definiralo u vezi s tranzicijom Ureda visokog predstavnika u Ured specijalnog predstavnika EU.

«Protekle dvije godine obilježila je negativna retorika kojom se osporavao Dejtonski mirovni sporazum i suverenitet Bosne i Hercegovine», izjavio je vršilac dužnosti visokog predstavnika. «U takvim okolnostima postizanje napretka bilo je teško i sporo. Uprkos ovakvoj klimi, politički lideri su uspjeli postići napredak u ostvarivanju ciljeva i uslova za zatvaranje OHR-a. Sada smo u fazi u kojoj je ustavni amandman u vezi Brčko Distrikta u parlamentarnoj proceduri i moguće je da će biti usvojen krajem ovog mjeseca. Ovaj amandman ima širok temeljenu podršku bosanskohercegovačkih političara i međunarodne zajednice.»

«Bosna i Hercegovina treba ispuniti sve ciljeve i uslove koje je utvrdilo Vijeće za implementaciju mira da bi moglo doći do zatvaranja OHR-a i tranzicije u EUSR. Sada je potrebno postići napredak u pronalaženju održivog rješenja za pitanje državne

imovine. Takođe je potrebno da Bosna i Hercegovina i njene institucije funkcioniraju na odgovarajući način ukoliko BiH želi ostvariti svoje euroatlantske aspiracije», zaključio je Gregorian.